

۹ جمادی الاول سنه ۱۳۳۹

پنجشنبه

۲۱ شباط سنه ۱۳۳۹

صاحب امتیاز و مدیر مسئول حسن کاظم

ملت عثمانیه - امت اسلامیہ ایچون مفید اولان آثار
صحیفه لر من آچیقدر درج ایدلمیان اوراق اعاده ایدلمز.

اداره خانه - استانبول باب عالی جوارنده
ابوالسعود جاده سی نومروه ۷ اصحاب مراجعته
هر ساعت آچیقدر

جہانگیر

شمذیلک هفته ده بر نشر اولنور

سر محرری : مصطفی فوزی

تاریخ تاسیسی ۱۳۲۷ سنه هجری

سنه لك اعتباريله ممالك شاهانه ایچون پشین
اوله رق ۵۰ التی آیلنی ۳۰ غروش وممالك
اجنبیه ایچون ۲۰ فرانقدر .

نسخه سی ۵۰ پاره در

تصوفی ، دینی ، اخلاقی ، ادبی ، سیاسی جریده اسلامیہ در

نومروه ۱۳۴

اغواتی وشاذلی درکاهی ومولویخانه مشایخ و دده کافی ومؤذنان حضرت شهرباری نشاید قرائت ایلمکده ایدیلر .

بعده تابوت امام اول وثانی حضرت شهرباری ، خزینه خاصه هایون مأمورینی ، اوکده البسه رسمیه سی لابس تشریفات مدیری مدوح بك یولندی حالد ولى عهد سلطنت دولتلو نجابتلو وحیدالهدین افندی حضرتلری ، شهزاده مجید افندی حضرتلری ومرحوم مشار الیهک مخدومی محمد سلیم افندی حضرتلری وبالعوم شهزاده کان ، مرحوم مشارالیهک دیگر مخدوملری حضرتانی داماد پاشا وبك افندیلر حضرتانی ، تشریفات مدیر معاوانی فواد بك اوکده اولهرق البسه رسمیه لری لابس خدیو مصر عباس حلمی پاشا حضرتلری صدراعظم پاشا حضرتلریك وکیل وحریه ناظرى انور پاشا ، شیخ الاسلام موسی کاظم افندی ، شیخ الاسلام سابق خیری افندی ، اعیان ، مبعوثان رئیسلى بك افندیلر حضرتانی ، مابین هایون ارکان مأمورینی بالعوم سفرای اجنبیه وسفارت آتشیه میلتلری ومرخص عسکرلری ، ارکان وامرای عسکریه ، اعیان ومبعوثان اعضالری ، رجال علمیه ، رؤسای روحانیه ، مؤسسات مالیه دیرکتورلری ، نظارت مستشارلری ، اتحاد وترقی مرکز عمومیهی اعضایی ، هلال احمر ، دونهای عثمانی ، مدافعه علیه هیئت مرخصه لری ، رؤسا ومأمورین ملکیه وذوات سائر طرفلرندن تعقیب اولمشدر . جنازه طوبقو سرای همایونشدن چیقار . یلوب باب همایوندن بالورور آیاصوفیه ، دیوان یولی طریقیله جتیمکان سلطان محمود خان حضرتلریك تربه شریفه لریته ایصال ایدلش وحفاظ طرفلرندن قرآن کریم قرائت ومرحوم مشارالیهک روحنه فاتحه لرحماتخاف اولندقدن صکره تربه شریفه دروننده تخصیص قلنسان مقبره مخصوصیه ودیعه خاک غفران الهمی قلنمشدر .

مراسم تدفینه دن صکره جنازه ده حاضر بولنانلر مرحوم مشارالیهک مخادیمنه بیان تعزیتله عودت ایلمشدر .

رحمة الله علیه رحمة واسعة

عرض تعزیت

وکلا حضرتانی ایله اعیان ومبعوثان رئیسلى وخدیو مصر حضرتلری سرای هایونه عزیمتله ذات حضرت پادشاهی به عرض تعزیت ایلمشدر .

رپور صورتی

خاقان سابقك خسته لغنه وارتمخالنه دائر رسماً تبلیغ ایدیلن رپورلرک صورتیدر :

۱۰ شباط سنه ۱۳۳۴ بازار کونی صبا حلین حربیه نظارت

جلیله سندن تلقی ایتدی کمز امر اوزرینه برمدتن بری خسته اولان خاقان سابق سلطان عبدالحمید ثانی حضرتلری معاینه و تداوی ایچون بکلربی سرائنه کلدک . اوراده طیب خصوصیهی دوقنور عاطف بك ایله بکلربی خسته خانه سی اطباسندن دوقنور آلکیویادیس و دوقنور نیقولاکى پارسکوایدیس افندیلردن معلومات آتییهی آلدق : خاقان سابق حضرتلری (۵) شباطدن بری خسته اولوب نزله سی اولدیغی وصیق صیق معدنه سندن شکایت ایتمکده بولوندیغی و (۹) شباط جمعه ایرتسی اقشامی راحتسزانی کسب شدت ایتدیکندن کیچه زوالی ساعت سکر بچقده طیب خصوصیلری ططف بك کلنجهیه قدر بکلربی خسته خانه سندن اسماری بوجه بالا ذکر اولونان ایکی طیبك جلی اقضا ایتدیکی وبو ذوات خاقان سابق حضرتلری شدتلی عسرت تنفسدن مضطرب بولدقلری وعددتنفسك التمش بش اولدیغی ومعاینه ده هر ایکی رنده وبالحاصه صول رنده بك شدتلی احتقان بولوندیغی وقلبك بك ضعیف اولوب نبضك مشکلاته حس ایدلمکده وعدد ضربانك یوز اوتوز اولدیغی وادرارك بك آز کلدیکی کوردکلری و برای تداوی قوری محجملر تطبیقی وداخلاً مقوی قلب ومددر اولهرق اسنارته یین ونه ثوبرومن ویردکلری وبونک اوزرینه خسته نك احوالنده برآز صلاح حاصل اولش ايسه ده انذار وخیم اولدیغی جهنله برمشاوره طیه اجراسنه لزوم حاصل اولدیغی بیان ایتمشدر .

زیرده واضع الامضا اطبا ساعت اونبرده کی معاینه مزده مشارالیه حضرتلریك شدتلی عسرت تنفسدن مضطرب اولوب نبضك دقیقه ده یوز یکریمی وضعیف اولدیغی وصول رنده قاعده سنده اصمیت وتنفسده خشونت ایله برابر بك چوق خراخر وقیه دونیه نك موجود بولندیغی وهرایکی رنده نك اقسام سائر سنده ناذروه لره قدر عینی خراخرک ایشیدلیدیکی وخاقان مشارالیه حضرتلریك مدم قشعات محاطیه افراز ایتمکده اولدیغی کوردک . اطراف صفومش اولوب مغیلرده درجه حرارتی اونوز الی یجق مشاهده ایتدک . مشارالیه حضرتلری اك زیاده ناحیه شرسوفیه ده کی صیقنیدن شکایت ایتمکده ایدی . درعقب ظهره محجم متبرع تطبیق ایدره رک برمقدار قان آلتش وداخلاً اولق اوزره دبعان وعلبنیدیت سود ایله قافه یین کلاجلری توصیه ایدلشد . محجملرک تطبیقی متعاقب خاقان سابق حضرتلری اضطرابك برآر کسب سکونت ایتدیکی وبزلرک چکیله بیله جکیزی سولمشدر .

مشارالیه حضرتلریك صوک اون ایکی ساعت ظرفنده کی ادارلری بك آز اولوب بزه ارانه اولنان ادار یوز الی . سانیتمتره مکعی ایدی . بوادرده اثر حالنده البومین موجود وشکر مفقود اولوب کنسافتک یکریمی بش اولدیغی کورلمشدر .

خاقان سابق حضرتلریك بالذات کنديسندن واطراف سندن دون

مجلس مبعوثانده

۲۱ کانون نانی ۱۳۳۴ تاریخلی مجلس مبعوثان اجتماعنده مقام مشیخته یکیدن تأسس ایدیله جک اولان دارالحکمة الاسلامیه حقنده کی معلوماتی درج ایدیلورز

دارالحکمة الاسلامیه تأسیسی مذاکره سی

حکومتک اسباب موجب لایحه سنده حکم وفضائل عالیة اسلامیه بی نشر و تعمیم و مؤسسات دینی بی حسن حاله محافظه و مدارس سی تدبیر و اصلاح کی مقاصد مهمه تک تعقیب واستحصالی ایچون مشیخت اسلامیه جه مرکز و طشرده اجرایی مقتضی تشکیلادن بحث ایدیلورزی . بوکون موضوع مذاکره اولان لایحه تک برنجی ماده سیله تأسیسه لزوم کوستریلان و عقائد و فقه و اخلاق انجمنلری بی محتوی بولان دارالحکمة الاسلامیه بو قسم تشکیلادن اولوب عقائد جلیله اسلامیه بی اعتقادات باطله یه قارشى مدافعه و متکلمین و فقهائى عظامک مسائل اعتقادیه و عملیه کی اجتهاداتی تدقیق و اخلاق عالیة دینی تعمیم ایله اشتغال ایده جکدر . تکایا وزوایانک آداب طریقه موافق صورتده اداره لری تأمین و پوست نشینلکله سالکین تنویر و ارشاده مقتدر اصحاب لیاقت و فضیلتی انتخاب و تعیین وظیفه سیله مکلف اولان مجلس مشایخک بووظیفه بی بروفق مطلوب ایفایه مساعد اولیان تشکیلات حاضره سی توسیع اولنشدر . اوچنجی قسمده مقام مشیختک طشرده لرده واسطه تبلیغیه و اجرانیه سی اولان مفتیلرله مخصصانه عائددر .

حکومت طرفندن ایدیلان مستعجلیت تکلیفی اوزرینه لایحه قانونیه تک مذاکره سینه باشلاندى . تکفور طاغی مبعوثی هارون افندی سوز آلهرق بوقانونک اهمیتیه متناسب تشکیلات یا بیلیمسی لزومندن و رئیس ایله اعضاسی شرق و غربک عرفان و فضیلتیه مجهز ذواتدن اولورسه مملکتک آتیشی ، ترقیسی ایچون فوائد عظیمه تأمین ایده جکندن بحث ایتدی .

شمس الدین بک (ارطغرل) ، بوباده ده کنیش ودها اساسلی اولهرق کچن سنده برتشکیلات یا بیلدیغنه و وظائف قضائیه ایله مشغولیتی دولایسیله مشیخته بو صورتله اساس وظیفه سی کوستریله جککنه دأر مطالعاتده بولنهرق دیدی که :

— برملتک افرادی حیات اجتماعیه آلیشدران اساس دیندر . بو اساس عاقل بر اقلیرسه مملکتک اجتماعاتی صارصیلیر و نتیجه فلاکت انکیز اولور . حیسانده بزه رهبر اولمسی ایجاب ایدن الک بیوک شی اخلاقدر . اخلاقک استنادی ده دیندر . اخلاق ایچون بر چوق مؤیده لر کوستریلکله برابر بوؤیده لر کافی کیور . دین اولمازسه ملیت ده اونوتولهرق تمامیه شخصی اندیشه لره دوشولور . (آقیشلر ، بک

اقشام فضله جه مقدارده ات ، بالی و بورك و برنج اونلی حور طائلیسی اکل ایتش اولدقلری و راحتسزلفک بوندن ایکی ساعت صکره ظهور ایتسیله مهمل اولهرق مانیه زی و سنامکی آلمش بولوندقلری اوکرنده ، خسته تک مقدا بر قاج دفعه حناق صدر نوبتلری اصراضی ابراز ایتدیکنی طیب خصوصیه دو قنور ططف بک افاده ایتش اولدینی ده نظر اعتباره آلنهرق اندازک غایت وخیم اولدینی بیان ایدلش و بعد الزوال برده بکدر بکی سرایندن مفارقت ایدلش اولدینغی مشعر اشبو راپور تنظیم و تقدیم قلندی . ۱۰ شباط سنه ۱۳۳۴

طب فاکولته سی رئیس قسیم خسته خانه سی قاقان مشارالیه حضر مدرس سرطیبی تدریسک طیب خصوصیه عاقل مختار رفعت قائم مقام عاطف حسین بکدر بکی خسته خانه سی اطبا سندن احتیاط یوزباشی

آلکیویادیس

بیک اوچپوز اوتوز دوت سنه سی شباطک اونجی بازار کونی آقشامی ساعت اونده وقوع بولان دعوت اوزرینه زیاده واضع الامضا اطبا بکدر بکی ساحلیراینه هنرمثله حرم دائره سنده خاقان سابق سلطان عبدالحمید خان نانی حضر تدریسک یاناق اوطه لرینه داخل اولدیفمزده قاریوله ایچروسنده خاقان سابق حضر تدری اولدینی آرامزده بعضلری طرفندن تشخیص اولنسان برذاتک اسطماع ظهیری طبعیه کیتمش اولهرق یاقده اولدینغی کوردک . قلب و نبضک تماماً توقف ایتش و حمل میتیک تقرر ایلش بولندینی لدی المعاینه اکلاشلدقندن سوکره وجود هر طرفی عریض و عمیق تدقیق و معاینه اولونه رق کبوت میته آثار بله تدوایسه مأمور اولان اطبا طرفندن ارقه و کوکسینه لاجل التدای تطبیق اولنلان اون اوچ قدر محجم یرک و وفاتندن بر ساعت اول مشارالیه حضر تدریسک کندی طرفلرندن یا بیلدینی معیتلری ارکانی جانبندن افاده ایدیلن ناحیه شر سوفیه ده کی سطحی و غیر منتظم کوچک آثار کیشودن بشقه هیچ برار جبر و ترخیص و جرحه تصادف اولندی . خاقان سابق حضر تدریسک شباطک بشندن بری خسته بولندقلری و ملفوف راپور مؤدا سندن اکلاشیله جنی وجهله مشارالیه سلطان عبدالحمید خان حضر تدریسک احتقان الرئه و اودیمای رئوی نتیجه سی تحدث ایدن برضعف قلب سیله ارتحال ایتدکاری تبین ایتش اولمقله اشبو مشترک راپورمز بالتظیم تقدیم اولنشدر .

بکدر بکی ساحلیرای ۱۰-۱۱ شباط ۱۳۳۴

طب فاکولته سی رئیس مدرس عاقل مختار ، صیبه مدیر عمومی و کبکی مصطفی عدنان ، حریبه نظارتی صیبه دائره سی اوچنجی شعبه مدیری میر آلاى صادق ، کلخانه سرریات خسته خانه سی سرطیب و مدیری قائم مقام آزملینی ، درساعات آلمان خسته خانه سی سرطیبی دو قنور زوبله ی ، صحر صیبه مفتش عمومی معاونی بیکباشی ابراهیم رفیق ، قسیم خسته خانه سی سرطیبی دو قنور رفعت ، خاقان سابق حضر تدریسک طیب خصوصیه قائم مقام محمد عاطف حسین ؛